



Future-proofing our children

Sikolo sa lasunda: Sitopa sa banana ba bainyani

Toho ya Tuto

Jonasi

Buka ya Bashemi
Sikolo sa la Sunda sa mwa malapa



Balatiwa Bashemi

Mwa amuhelwa kwa tuto ye li “**Jonasi**” ya sikolo sa lasunda ya banana ba bainyani. Pampili ye i mifa kabukuswani kamo muka lutela tuto ye.

Mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibeke • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo).</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3.	Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa malapa

Mo kuswanehela ku itukiseza ni kufa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunnda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunnda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.



Notes



Tuto

Toho ya tuto	Jonasi
Timana ya Bibe	Jonasi 1-2
Mutomo/ butokwa bwa tuto	Lu ituta kuli Jonasi na sa koni ku ipata ku Mulimu, mi hape lu ziba ni ka moo Mulimu na kona ku pulusa Jonasi

Tuto ye kusufaliswe:

- Ne kuna ni munna ya na bizwa Jonasi, ne li mupolofita, kona ku talusa kuli, na hasanya mañusa a Mulimu kwa batu/sicaba.
- Zazi le limwi Mulimu a bulelela Jonasi kuli aye kwa Ninive, muleneñi o mutuna, ni ku yo ba kalimela kuli ba siye ku eza ze maswe. Ku si cwalo, Mulimu u ka ba fa koto.
- Kono ka kuli Jonasi na sa lati ku eza cwalo, a kala ku ku mata ku zwa ku Muñ'a Bupilo.
- A bona sisepe se ne si liba kwa hule mi a lifa tifo ya musipili ni ku fuula ku ya kwa linaha za kwande. Na hupula kuli Mulimu hana ku mu fumana.
- Kono ha se ba fitile fa hala liwate, Muñ'a Bupilo a lumela moya o maata hahulu, mane sisepe sa bata ku pazauha. Ze hane li ezahahala, Jonasi yena na lobalezi mwa sibaka se siñwi sa mwa sisepe, se si kwatasi.
- Bafuluhi kamukana ne ba sabile hahulu. Nduna wa sisepe a zusa Jonasi kuli a kupe tuso ku Mulimu.
- Jonasi ba bulelela ku li, "libaka liñungwa le lituna cwalo hane li ba tahezi ne li mulatu wa hae, kakuli na matile ku zwa ku Mulimu, ni kuli haiba inge ba mu nepele mwa liwate, moya u ka kuza".
- Ne ba sa tabeli ku eza cwalo, kono moya no sa ekezeha ka maata hahulu. Cwale ba nanula Jonasi, ba mu nepela mwa liwate, mi kapili-pili moya wa kuza.
- Muña Bupilo a laela tapi ye tuna ku to miza Jonasi, mi Jonasi a ba mwa mba ya tapi yeo, mazazi a malalu ni masihu a malalu, pili tapi isika tazeza Jonasi fa likamba. Cwale Jonasi ha li mwa mba ya tapi, a lapela ni ku itumela ku Mulena Mulimu wa hae kwa ku mupulusa.
- Cwale Jonasi a itukisa mi a ya kwa Ninive, mi a bulelela batu zana mu bulelezi Muña Bupilo. Batu ba Ninive ne ba lumezi ku Mulimu mi ba cinca mipilelo ya bona.



Kanti tuto ye italusa sikamañi ku luna kacenu?

- Nako kaufela mu teeze ku Mulimu ni ku mu latelela ka mikwa ye lukile ni ka mo ku swanehelela.
- Mulimu uka lu tusa nako kaufela ni ku lu pulusa mwa linako ze tata, kakuli wa lu lata.

Lipuzo zemwi ze lukona ku buza:

1. Libizo la muleneñi koo Mulimu na lumile Jonasi ne li lifi?

Kalabo: Muleneñi wa Ninive

2. Libaka ki lifi Jonasi hana kwezi mwa sisepe?

Kalabo: Na bata ku mata ku zwa ku mulimu

3. Mulimu na pulusuzi cwañi Jonasi kwa ku sa tiba?

Kalabo: Mulimu na lumelelize tapi ye tuna ku to miza Jonasi.

4. Jonasi na inzi mazazi a makai mwa mba ya tapi?

Kalabo: Mazazi a malalu ni masihu a malalu

Litapelo za luna

Tapelo ya bo Ndate ni Boma ye fiwa pili tuto isi ka tateka:

Ndate ya mwa lihalimu

Na itumele ku wena kwa lizazi lelimwi la lilato ni sishemo sa hao

Na kupa u fuyole bome ni bondate. Fuyola baeteleli, balikani baluna kaufela ni mabasi a luna

Lu lapela kuli lu ku late ni ku kuli lu kalatelela bashemi ba luna

Lu fuyole kuli lu kone kuba ni sishemo ni lilato mane ni ku ba ni likuta ni musa ku be lu kopana ni bona

Lwa kupa u fuyole tuto ya sikolo sa banana sa la Sunday ye, ni kuli nako kaufela lu hupule ku itumela ku wena ka ku lu keta kuba bana ba hao.

Lu bata ku inelela mwa tumelo ni ku latelela ku fitela u taha ku to lungela kwa hae.

Lu kupa ze kaufela mwa libizo la hao

Amen



Tapelo kasamulaho wa tuto:

Ndate ya mwa lihalimu,

Lwa itumele kuli ulu silelelize, ni ku lu lumelela kuli lu kone kuba ni likande lelinde la Bibe

Lwa itumela kwa ku lubabalela ni ku lu Sileleza kwa likozi.

Na kupa uli tuse ku ba baba latelela bashemi ba luna, ni kuba ni seshemo ku be lu kopana ni bona.

Na kupa ulu tuse kwa misebezi ya luna ya kwa sikolo.

Fuyola mu Apositola yo muhulu, ba Apositola ni baeteleli ba keleke kaufela, mi uba sileleze mwa misipili ya bona, ili kuli ba lu lute zeñata za musebezi wa hao.

Na kupa utuse bana ba hao kaufela, sihulu baba kula, ni ba basina sa kuca ni malobalo

Taha kapili ulungele kwahae

Lu kupa ze kaufela, isi kuli za lu swanela, kono mwa libizo la Jesu

Amen.